



Rɩk f nugã n rogl zĩig ning sãn zabd fo yĩngẽ wã, n yeele: "bismillaah" noor a tãabo, la f yeel noor a yopoe: "A‘uuzu bi Llaahu wa kudratihu min šarri maa agidu wa uhaazuru = m kot gũudum ne Wënd la A tōogã n yi zabdem ning mam sãn wumd la m gũusdẽ wã wẽnga

Yii a ‘Usmaan [bn Abu Al-aas, Al-sakafy nengẽ (Wënd yard be a yĩnga) t'a yãbame n tug Wënd Tẽn-tuumã nengẽ (Wënd puusg la A tulgr be a yĩnga), zabdem a sãn paamd a yĩngẽ wã a sãn kẽ lslaangã tɛka, ti Wënd Tẽn-tuumã yeel-a (Wënd puusg la A tulgr be a yĩnga): «Rɩk f nugã n rogl zĩig ning sãn zabd fo yĩngẽ wã, n yeele: "bismillaah" noor a tãabo, la f yeel noor a yopoe: "A‘uuzu bi Llaahu wa kudratihu min šarri maa agidu wa uhaazuru = m kot gũudum ne Wënd la A tōogã n yi zabdem ning mam sãn wumd la m gũusdẽ wã wẽnga».

[Naşun Şahuhun (Gom-sikdem sãn manege)] [A Muslim n togs-a]

Zabdem n paam a ‘Usmaan [bn Abu Al-aas, (Wënd yard be a yĩnga) halt n pẽneg n na n ku-a, ti Nabiyaamã (Wënd puusg la A tulgr be a yĩnga) wa n na n kaag-a la a wilg-a doaag ti Wënd zẽk n bas-a bũmb ning sãn be ne yẽ sãn yaa bãagã, la rẽ yaa a rɩk a nugã n rogl zĩigã sãn zabdã n yeele (bismillaah) noor a tãabo, rẽ poorẽ a yeel noor a yopoe: (m kota gũudum) rat n yeel ti m yõkda sɛɛga la b baood gũudum ne Wënd la A tōogã n yi zabdem ning mam sãn wumdã, sãn yaa zabdem sãn be mas-masã, (la m gũusdẽ) la m zoet a ra wa paam maam sãn na n wat ye, sãn yaa sũ-saamse la yɛɛsa, maa bã-kãngã wa tongdẽ t'a zabdmã sãegd yĩngẽ ye.

<https://sunnah.global/hadeeth/mos/show/6018>